

**Arkiv:** <arkivID><jplID>  
Plannavn-  
Kommunedelplan  
for oppvekst - Alver  
kommune, Komnr-  
4631

**JournalpostID:**

**Saksbehandlar:**

**Dato:** 21.08.2020

Saksframlegg

Saksnr.	Utvalg	Møtedato
045/20	Utval for oppvekst, kunnskap og kultur	01.09.2020
039/20	Ungdomsråd	12.10.2020
039/20	Eldreråd	12.10.2020
042/20	Råd for menneske med nedsett funksjonsevne	12.10.2020

**Plansak Kommunedelplan for oppvekst - Alver kommune - framlegg til vedtak om offentlig høyring og ettersyn planprogram Rådmannen sitt framlegg til vedtak:**

Alver kommune, utval for oppvekst, kunnskap og kultur ,vedtek å leggje framlegg til planprogram for kommunedelplan oppvekst ut til offentlig høyring og ettersyn.

Vedtaket har heimel i plan og bygningslova §11-1 og §11-13

**Utval for oppvekst, kunnskap og kultur 01.09.2020:**

**Behandling:**

Orientering til saka v/Rolf Raknes-fagansvarleg Plan og analyse Rådmannen sitt framlegg vart samrøystes vedteke.

**OKK- 045/20 Vedtak:**

Alver kommune, utval for oppvekst, kunnskap og kultur, vedtek å leggje framlegg til planprogram for kommunedelplan oppvekst ut til offentlig høyring og ettersyn.

Vedtaket har heimel i plan og bygningslova §11-1 og §11-13

**Eldreråd 12.10.2020:**

**Behandling:**

Fagansvarleg Plan og analyse, Rolf Raknes, orieenterte i saka.

Eldrerådet slutta seg samrøystes til rådmannen sitt framlegg til vedtak.

**ER- 039/20 Vedtak:**

Eldrerådet sluttar seg samrøystes til rådmannen sitt framlegg til vedtak.

## **Råd for menneske med nedsett funksjonsevne 12.10.2020:**

### **Behandling:**

Orientering i saka v/Rolf Raknes-fagansvarleg Plan og analyse og Hans Kristian Dolmen-rådgjevar Plan og analyse

Fellesframlegg:

RMNF er positive til at det i planprogrammet vert lagt vekt på inkludering. Dette må både gjelda menneske som flyttar hit frå andre land, menneske med nedsett funksjonsemne og andre minoritetar. Rådet bed om at "FN-konvensjonen om rettar til menneske med nedsett funksjonsevne (CRPD)" og "FNs barnekonvensjon" vert lagde til grunn i planprogrammet, i tillegg til FNS berekraftsmål.

Framlegget vart samrøystes vedteke.

### **RMNF- 042/20 Vedtak:**

RMNF er positive til at det i planprogrammet vert lagt vekt på inkludering. Dette må både gjelda menneske som flyttar hit frå andre land, menneske med nedsett funksjonsemne og andre minoritetar. Rådet bed om at "FN-konvensjonen om rettar til menneske med nedsett funksjonsevne (CRPD)" og "FNs barnekonvensjon" vert lagde til grunn i planprogrammet, i tillegg til FNS berekraftsmål.

## **Ungdomsråd 12.10.2020:**

### **Behandling:**

### **UR- 039/20 Vedtak:**

Ungdomsrådet støttar framlegg frå rådmannen.

Samrøystes

### **Politiisk handsaming**

Saka skal avgjerast i utval for oppvekst, kunnskap og kultur.

### **Bakgrunn**

Med grunnlag i utfordringsdokumentet og strategidokumentet for Alver kommune er det sett i gang planprosjekt for kommunedelplan oppvekst. For å ivareta omsynet til samordning i overordna planlegging er prosessansvaret lagt til Plan og Analyse, medan fagansvaret ligg til oppvekstsektoren sjølv.

### **Saksopplysningar:**

Kommunedelplan for oppvekst skal utarbeidast i samsvar med prosessreglane i plan og bygningslova. Første delen av prosessen er å utarbeida planprogram. Planprogrammet skal fungera som ein plan for planlegginga og i programmet skal det utgreiast kva rammene for planlegginga skal vera. Framlegg til program skal , etter at det er ferdig handsama i utval for oppvekst, kunnskap og kultur, leggjast ut til offentleg høyring og ettersyn. Dette for å sikre medverknad frå innbyggjarar og offentlege mynde tidleg i planprosessen.

Alver kommune styrer no etter planverket i dei tidlegare kommunane Lindås, Meland og Radøy. Der finnast mykje godt plangrunnlag i dei tidlegare kommunane som kan byggjast vidare på i Alver kommune. Samstundes skal ny samfunnsplanlegging for Alver kommune setje kursen for samfunnsutviklinga i den nye kommunen vår. Difor er det lagt opp til eit

omfattande planarbeid der kommuneplanen sin samfunnsdel , kommunedelplanar for oppvekst og helse inngår i ein felles planprosess.

Dei delane av planprosessen som vert koordinert er særleg medverknadsdelen. Det vert eit felles prosjekt for medverknad for samfunnsdel, oppvekst og helse. Medverknaden vert organisert som eit felles prosjekt med ulike verkemiddel for dialog og kanalar for innspel. Oppvekstplanen vil så nytta aktuelle delar av det som kjem inn i fellesprosjektet. Målsettinga er at dette medverknadsprosjektet startar 15/9-20. Metodar og innhald vert nok mogeleg annleis en vanleg grunna pandemien me er i no. Felles medverknadsprosjekt vil gje verdifulle data til utarbeidinga av planen, medan den formelle prosessen etter plan og bygningslova sikrar lovbestemt gjennomføring av planprosessen. På bakgrunn av dette er det lovpålagt å utarbeide planprogram som igjen skal leggst ut til offentleg høyring og ettersyn.

I høve til vedtak om utlegging til offentleg høyring og ettersyn har utval for oppvekst, kunnskap og kultur rolla som prosjektstyre og vedtaksmynde for prosessvedtak. Endeleg vedtak av plan skal avgjerast i Alver kommunestyre. På bakgrunn av dette vert no framlegg til planprogram for kommunedelplan oppvekst lagt fram for vedtak om offentleg høyring og ettersyn. Rådmannen rår til at framlegg til planprogram vert lagt ut slik det ligg føre.

Vedlagt framlegg til planprogram har følgjande innhald:

1. Bakgrunn for planarbeidet
2. Føremål
3. Føringar for planarbeidet
4. Mål
5. Tema og avgrensing av innhald
6. Planprosess og medverknad
7. Framdrift

Framlegget skal leggst ut til offentleg høyring og ettersyn i minst seks veker. Etter det skal programmet eventuelt justerast i samsvar med innkomne merknader, før det på nytt vert lagt fram i utvalet for endeleg vedtak. Etter det kan arbeidet med framlegg til plan halde fram.

**Vedlegg i saken:**

21.08.2020      Planprogram\_framlegg\_v21082020

1433861